

ხელშეკრულება სახელმწიფო შესყიდვის შესახებ N1.1.17/30/063

ქ. თბილისი

02 ივნისი 2020 წელი

1. ხელშეკრულების დამდები მხარეები

ერთის მხრივ, ქალაქ თბილისის მუნიციპალიტეტის მთაწმინდის რაიონის გამგეობა (შემდგომში - შემსყიდველი), წარმოდგენილი გამგებლის - დავით კირკიტაძის სახით და, მეორეს მხრივ, შპს „ახალი საფარი“ ს/კ 402050258, მისამართი: ქ. თბილისი, მ. წინამძღვრიშვილის ქ., N33, ბ.N9 (შემდგომში - მიმწოდებელი), წარმოდგენილი დირექტორის - ზურაბ აბაშიძის სახით, საქართველოში მოქმედი კანონმდებლობის შესაბამისად და მათი გათვალისწინებით, შეთანხმდნენ სახელმწიფო შესყიდვის შესახებ ხელშეკრულების პირობებზე და სახელმწიფო შესყიდვის შესახებ ხელშეკრულების დადების თაობაზე.

2. ხელშეკრულების (შესყიდვის) ობიექტი, შესყიდვის საშუალება, ხელშეკრულების ღირებულება, ხელშეკრულების ძალაში შესვლა და მოქმედების ვადა

- 2.1 ხელშეკრულების (შესყიდვის) ობიექტია - ქ. თბილისში, მთაწმინდის რაიონის ტერიტორიაზე დაზიანებული ასფალტის საფარის შეკეთების სამუშაოები, რომელიც განსაზღვრულია მიმწოდებლის მიერ წარმოდგენილი ხარჯთაღრიცხვით, თან ერთვის ხელშეკრულებას და წარმოადგენს მის განუყოფელ ნაწილს.
- 2.2 შესყიდვის საშუალება - ელექტრონული ტენდერი აუქციონის გარეშე.
- 2.3 ელექტრონული ტენდერის განცხადების ნომერი NAT200006998.
- 2.4 ხელშეკრულების ღირებულება შეადგენს 308900,00 (სამასრვავათასცხრასი) ლარს, ყველა გადასახადის ჩათვლით.
- 2.5 კლასიფიკატორის კოდი - 45233222 - მოკირწყლვისა და მოასფალტების სამუშაოები.
- 2.6 ხელშეკრულება ძალაში შედის გაფორმებისთანავე და მოქმედებს 2021 წლის 31 იანვრის ჩათვლით.

3. სამუშაოს შესრულების პირობები

- 3.1 შესყიდვის ობიექტის მიწოდება მოხდება ეტაპობრივად, შემსყიდველის მიერ გაცემული დავალებების შესაბამისად. მიწოდების საბოლოო ვადაა 2020 წლის 31 დეკემბერი.
- 3.2 მიწოდების ადგილი: ქ. თბილისი, მთაწმინდის რაიონის ტერიტორია.
- 3.3 მიმწოდებელს სამშენებლო ობიექტის კონკრეტული მისამართი, შესასრულებელი სამუშაოების დეტალური აქტი ან/და პროექტი ან/და ხარჯთაღრიცხვა და სამუშაოებისთვის განსაზღვრული ვადები გადაეცემა წერილობით;
- 3.4 სამუშაოების სპეციფიკიდან გამომდინარე, შემსყიდველი არ იღებს ტექნიკური დავალებით განსაზღვრული სამუშაოების სრული მოცულობით დაკვეთის ვალდებულებას.
- 3.5 მიმწოდებელი ვალდებულია საჭიროების შემთხვევაში ერთდროულად იმუშაოს მინიმუმ 4 (ოთხი) მისამართზე.
- 3.6 მიმწოდებელი ვალდებულია სამუშაოები დაიწყოს შემსყიდველის მიერ გაცემული დავალებიდან არაუგვიანეს 3 (სამი) კალენდარულ დღეში და დაასრულოს დავალებაში მითითებულ ვადაში;
- 3.7 თუ სამუშაოების უსაფრთხო წარმოებისთვის საჭიროა შესაბამის სამსახურებთან შეთანხმებული, უსაფრთხოების სქემით სამუშაოების წარმოება, მიმწოდებელი ვალდებულია სრულად დაიცვას შეთანხმებული სქემით განსაზღვრული პერიმეტრი შესაბამისი მარეგულირებელი ნიშნებით.
- 3.8 მიმწოდებელმა სამუშაოების შესრულების პროცესში საავტომობილო გზაზე უნდა უზრუნველყოს სამუშაო ადგილის შემოფარგვლა და დამცავი გამაფრთხილებელი თვალსაჩინოების და შუქნიშნების დაყენება.
- 3.9 მიმწოდებელმა ობიექტზე უნდა განათავსოს მინიმუმ 1 ცალი საინფორმაციო დაფა (100 სმ/80 სმ) შემსყიდველის მიერ გადაცემული ესკიზის შესაბამისად;

3.10 ტრანსპორტირებისას უნდა მოხდეს ასფალტბეტონის ნარევის ტენტიტ დაფარვა. თერმომეტრით ასფალტბეტონის ტემპერატურის გაზომვის მიზნით, ნარევის გადამტანი თვითმცლელის მარის მარჯვენა მხარეს დატანილი უნდა იქნეს 3სმ ხერელი;

3.11 მიმწოდებელი ვალდებულია სამშენებლო ობიექტზე მოახდინოს ამოჭრილი საკონტროლო კერნების სიცარიელების შევსება ცივი ან ცხელი ა/ბეტონის ნარევით.

3.12 სამუშაოების დასრულების შემდეგ მიმწოდებელი ვალდებულია თავისი ძალებით და სახსრებით დაუყოვნებლივ გაათავისუფლოს სამუშაო ადგილი მანქანა-მექანიზმებისაგან, მოწყობილობა-დანადგარებისაგან, მასალებისაგან, და ა. შ.

4. შესრულებული სამუშაოს ხარისხი და გარანტია

4.1 შესრულებული სამუშაოს ხარისხის საგარანტიო ვადად განისაზღვროს საბოლოო მიღება-ჩაბარების აქტის გაფორმებიდან 2 (ორი) წელი.

4.2 ხელშეკრულების ფარგლებში შესასრულებელი სამშენებლო სამუშაოების ხარისხი უნდა შეესაბამებოდეს საქართველოში მოქმედი და ხელშეკრულებით განსაზღვრული სამშენებლო ნორმებითა და წესებით გათვალისწინებულ მოთხოვნებს. მიმწოდებლის მიერ შესრულებული სამუშაოს რაოდენობრივ, ხარისხობრივ და ლაბორატორიულ შემოწმებას ჩაატარებს ა(ა)იპ თბილისის მუნიციპალური ლაბორატორია (მომსახურების ღირებულების ანაზღაურებას უზრუნველყოფს შემსყიდველი).

4.3 სამუშაოების დასრულების შემდეგ, საგარანტიო ვადის განმავლობაში რაიმე წუნის (ნაკლოვანებები, დეფექტი) აღმოჩენის შემთხვევაში, თუ დადგინდება რომ აღნიშნული წუნი (ნაკლოვანებები, დეფექტი) გამოწვეულია უხარისხო ან/და არაჯეროვანი შესრულებით, მიმწოდებელი ვალდებულია აღმოფხვრას წუნი საკუთარი ხარჯებით.

4.4. თუ მიმწოდებელი ნაკლის აღმოფხვრასთან დაკავშირებით მიღებული შეტყობინების შემდეგ არ შეასრულებს თავის ვალდებულებებს, შემსყიდველს უფლება აქვს მიმწოდებლისაგან მოითხოვოს დეფექტის აღმოფხვრის ხარჯი.

5. ხელშეკრულების შესრულების კონტროლი (ინსპექტირება)

5.1 ხელშეკრულებით ნაკისრი ვალდებულებების შესრულების კონტროლს ნებისმიერ ეტაპზე ახორციელებს შემსყიდველი, ხოლო ტექნიკურ ზედამხედველობას ა(ა)იპ „თბილისის მუნიციპალური ლაბორატორია“.

5.2 მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებენ ქ. თბილისის მუნიციპალიტეტის მთაწმინდის რაიონის გამგეობის ზედამხედველობისა და რეაგირების განყოფილების განყოფილების უფროსი არჩილ ფანჯიკიძე და უფროსი სპეციალისტი მიხეილ თევზაძე.

5.3 მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით. კერძოდ: შემსყიდველის მოთხოვნის შემთხვევაში, მიმწოდებელი ვალდებულია საკუთარი რესურსებით აწარმოოს სამუშაოების ხარისხის კონტროლი და ზედამხედველობა, კერძოდ: მასალების გამოცდისათვის საჭირო სპეციალიზირებულ ლაბორატორიაში ჩაატაროს გამოსაყენებელი მასალების ხარისხის ყველა საკონტროლო ლაბორატორიული გამოცდები და შემოწმებები მათი გამოყენების ვარგისიანობაზე. ასეთ შემთხვევაში, სამუშაოების შესრულების დროს მიმწოდებელი ვალდებულია წარმოადგინოს გამოყენებული მასალების ლაბორატორიული დასკვნები და რეცეპტები, მათი ხარისხი უნდა შეესაბამებოდეს საქართველოში მოქმედ სტანდარტებსა და ნორმებს. მასალები უნდა ინახებოდეს დახურული წესით, გარდა იმ მასალებისა, რომელიც ნორმების მიხედვით ინახება ღია ცის ქვეშ.

5.4 იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვითონ შემსყიდველი.

6. შესყიდვის ობიექტის მიღება-ჩაბარების წესი

6.1 შესყიდვის ობიექტი ან მისი ნაწილი ჩაითვლება მიღებულად მხოლოდ მიღება-ჩაბარების აქტის გაფორმების შემდეგ. მიღება-ჩაბარების აქტი გაფორმდება ა(ა)იპ „ქ. თბილისის მუნიციპალური ლაბორატორიის“ მიერ დადასტურებული ფორმა N2-ის საფუძველზე. ამასთან, სამუშაოების (ან მისი ნაწილის) შესრულების თარიღად ჩაითვლება „შესრულებული სამუშაოების აქტში“ მითითებული თარიღი, დადასტურებული ტექნიკური ზედამხედველის მიერ.

6.2 ხარჯთაღრიცხვით განსაზღვრული სამუშაოების მოცულობები შესაძლებელია შეიცვალოს, ფაქტიურად შესრულებული სამუშაოების გათვალისწინებით, ხელშეკრულების 5.2 პუნქტით განსაზღვრულ პირობებთან მიღწეული წინასწარი შეთანხმების საფუძველზე, რაზეც გაფორმდება შესაბამისი აქტი.

6.3 ხელშეკრულების შესრულების კონტროლზე, და ხელშეკრულებით გათვალისწინებული მიღება-ჩაბარების აქტების გაფორმებაზე პასუხისმგებელ პირებს წარმოადგენენ წინარე ხელშეკრულების მე-5 მუხლის 5.2 პუნქტში მითითებული პირები.

6.4 შესყიდვის ობიექტის (მისი ნაწილის, ეტაპის) მიღების და/ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.

6.5 შემსყიდველი უფლებამოსილია შუალედური ფორმა N2-ის წარმოდგენიდან არაუმეტეს 10 კალენდარული დღის ვადაში, წერილობითი სახით აცნობოს მიმწოდებელს საბოლოო შემოწმების შედეგები დაწუნებული სამუშაოს მოცულობის და წუნდების მიზეზის მითითებით.

6.6 მიღება-ჩაბარების აქტების გაფორმების პარალელურად, მიმწოდებელი ვალდებულია წარმოუდგინოს შემსყიდველს შესაბამისი დოკუმენტაცია (მოქმედი კანონმდებლობის შესაბამისად).

6.7 სახელმწიფო შესყიდვის ხელშეკრულებაში სამუშაოს ახალი პოზიციების წარმოქმნის შემთხვევაში, ხელშეკრულებაში ცვლილების შეტანა მოხდება სსიპ - ლევან სამხარაულის სახელობის სასამართლო ექსპერტიზის ეროვნული ბიუროს ან აკრედიტაციის ცენტრში აკრედიტებული სხვა პირის მიერ გაცემული დასკვნით განსაზღვრული ახალი პოზიციის ერთეულის ფასის ფარგლებში. ექსპერტიზის მომსახურების ღირებულებას ანაზღაურებს მიმწოდებელი.

6.8 სახელმწიფო შესყიდვის ხელშეკრულებაში სამუშაოს ახალი პოზიციების წარმოქმნის შემთხვევაში მიღება-ჩაბარების აქტის გაფორმდება მოხდება სსიპ - ლევან სამხარაულის სახელობის სასამართლო ექსპერტიზის ეროვნული ბიუროს ან აკრედიტაციის ცენტრში აკრედიტებული სხვა პირის მიერ გაცემული ექსპერტიზის დასკვნით დადგენილი ფაქტობრივი დანახარჯების მიხედვით. ექსპერტიზის მომსახურების ღირებულებას ანაზღაურებს მიმწოდებელი.

7. ანგარიშსწორება და ანგარიშსწორების ვალუტა

7.1 ანგარიშსწორება მოხდება უნაღდო ანგარიშსწორებით ლარში.

7.2 ანგარიშსწორება მოხდება ადგილობრივი ბიუჯეტის სახსრებით, მიღება-ჩაბარების აქტის გაფორმებიდან 10 (ათი) სამუშაო დღის ვადაში, გარდა შემთხვევისა, როდესაც მიმწოდებელს დაეკისრება პირგასამტეხლო ხელშეკრულების პირობების დარღვევისათვის. ამ შემთხვევაში, ანგარიშსწორება განხორციელდება მიმწოდებლის მიერ დაკისრებული პირგასამტეხლოს შესაბამის ანგარიშზე გადახდის შემდეგ.

7.3 წინასწარი ანგარიშსწორება (ავანსი) არ გამოიყენება.

8. ხელშეკრულების პირობების შეუსრულებლობა

(საჯარიმო სანქციები, ფორმა, ოდენობა, და გადახდის ვადები)

8.1 ფორს-მაჟორული პირობების გარდა, ხელშეკრულების დამდები მხარეების მიერ ხელშეკრულების პირობების შეუსრულებლობის, არაჯეროვნად შესრულების ან/და დაგვიანებით შესრულების შემთხვევაში გამოიყენება საჯარიმო სანქციები.

8.2 მიმწოდებელი იღებს ვალდებულებას შესყიდვის ობიექტის (წერილით განსაზღვრული კონკრეტული მისამართის) მიწოდების ვადის დარღვევის შემთხვევაში, შემსყიდველს გადაუხადოს პირგასამტეხლო სახელშეკრულებო ღირებულების 0,05%-ს ოდენობით ყოველ ვადაგადაცილებულ დღეზე.

8.3 მიმწოდებლის მიერ ნაკისრი ვალდებულებების შეუსრულებლობის გამო ხელშეკრულების ცალმხრივად შეწყვეტის შემთხვევაში მიმწოდებელი დაჯარიმდება ხელშეკრულების საერთო ღირებულების 5%-ს ოდენობით და ხელშეკრულება ჩაითვლება შეუსრულებლად.

8.4 მიმწოდებლის მიზეზით სამუშაოების (წერილით განსაზღვრული კონკრეტული მისამართის) არასათანადო ხარისხით შესრულების შემთხვევაში, თუ ამ მიზეზის მიუხედავად შესაძლებელია შესყიდვის ობიექტის ექსპლუატაციაში მიღება, მიმწოდებელი დაჯარიმდება კონკრეტული მისამართის ფაქტიური ღირებულების 1,0%-ს ოდენობით.

8.5 საჯარიმო სანქციით დაკისრებული თანხა გადახდილი უნდა იქნას მხარისთვის აღნიშნულის თაობაზე გადაწყვეტილების (წერილი ჯარიმის დაკისრების თაობაზე) გაცნობიდან არაუგვიანეს 1 თვის ვადაში.

8.6 ხელშეკრულების 7.2 პუნქტის მოთხოვნის დარღვევის შემთხვევაში, მიმწოდებელს უფლება აქვს მოთხოვოს შემსყიდველს პირგასამტეხლო ჩასარიცხი თანხის 0,02%-ს ოდენობით, ყოველ ვადაგადაცილებულ დღეზე, გარდა იმ შემთხვევისა, როდესაც ეს მოხდა შემსყიდველისაგან დამოუკიდებელი მიზეზით.

8.7 საჯარიმო სანქციების გადახდა არ ათავისუფლებს ხელშეკრულების მხარეებს ძირითადი ვალდებულებების შესრულებისაგან.

8.8 ხელშეკრულების შესრულების უზრუნველყოფის მიზნით მიმწოდებელმა წარმოადგინა ხელშეკრულების შესრულების გარანტია.

8.9 მიმწოდებლის მიერ წარმოდგენილი გარანტია გამოიყენება ნებისმიერი ზიანის ასანაზღაურებლად, რომელიც მიადგება შემსყიდველს ან მესამე პირს მიმწოდებლის მიერ ხელშეკრულების პირობების შეუსრულებლობის ან არაჯეროვნად შესრულების გამო.

9. ხელშეკრულების შეწყვეტა

9.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის ან არაჯეროვნად შესრულებლობის შემთხვევაში, მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების ცალმხრივად შეწყვეტის შესახებ.

9.2 მიმწოდებელი ვალდებულია შეატყობინოს შემსყიდველს ცალმხრივად შეწყვეტის შესახებ მიღებული გადაწყვეტილება, მისი მიღების საფუძველი და ამოქმედების თარიღი, ხოლო შემსყიდველმა აცნობოს მიმწოდებელს ცალმხრივად შეწყვეტის შესახებ მიღებული გადაწყვეტილება და ამოქმედების თარიღი.

9.3 ხელშეკრულების შეწყვეტისას მხარეს შეუძლია მოითხოვოს ზიანის ანაზღაურება, რომელიც მას მიადგა მეორე მხარის მიერ ხელშეკრულებით ნაკისრი ვალდებულების შეუსრულებლობით.

9.4 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

9.5 შემსყიდველს შეუძლია მიიღოს გადაწყვეტილება ხელშეკრულების ცალმხრივად შეწყვეტის შესახებ, მათ შორის შემდეგ შემთხვევებში:

ა) მიმწოდებლის მიერ ხელშეკრულებით ნაკისრი ვალდებულებების დარღვევის შემთხვევაში;

ბ) გაცემული დავალებებით მიმწოდებლის მიერ სამუშაოების დაწყების ვადის 3 (სამი) კალენდარულ დღეზე მეტით გადაცილების შემთხვევაში.

გ) მიმწოდებლის მიერ დავალებით გათვალისწინებული სამუშაოს (კონკრეტული მისამართის) საბოლოო შესრულების ვადის 3 (სამი) კალენდარულ დღეზე მეტით გადაცილების შემთხვევაში.

დ) მიმწოდებლის მიერ დავალებით გათვალისწინებული სამუშაოების (კონკრეტული მისამართის) არასრული მოცულობით და არასათანადო ხარისხით შესრულების შემთხვევაში, თუ ამ მიზეზით შეუძლებელია შესყიდვის ობიექტის ექსპლუატაციაში მიღება.

ე) საქართველოს კანონმდებლობით გათვალისწინებულ სხვა შემთხვევებში.

10. ფორს-მაჟორი

10.1 ფორს-მაჟორი - სტიქიური მოვლენები, გაფიცვები, საბოტაჟი ან სხვა საწარმოო არეულობა, სამოქალაქო მღელვარება, ომი, ბლოკადა, აჯანყება, მიწისძვრა, მეწყრების ჩამოწოლა, ეპიდემია,

წყალდიდობა და სხვა მსგავსი მოვლენები, რომელიც არ ექვემდებარება მხარეთა კონტროლს და რომელთა თავიდან აცილებაც მათ მიერ შეუძლებელია.

10.2 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას და მიმწოდებლისათვის ხელშეკრულების შესრულების გარანტიის დაუბრუნებლობას.

10.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

10.4 იმ შემთხვევაში თუ ფორს-მაჟორული გარემოებების დადგომის გამო, იცვლება ხელშეკრულებით გათვალისწინებული რომელიმე პირობა, აღნიშნული ცვლილება უნდა გაფორმდეს მხარეთა წერილობითი შეთანხმების სახით.

11. უსაფრთხოება და გარემოს დაცვა

11.1 მიმწოდებელმა სამუშაოების განხორციელების განმავლობაში საქართველოს მოქმედი კანონმდებლობის და არსებული ნორმების შესაბამისად, უნდა მიიღოს აუცილებელი ზომები ტექნიკური უსაფრთხოების და გარემოს დაცვის უზრუნველსაყოფად.

11.2 მიმწოდებელმა უნდა უზრუნველყოს სამუშაო ადგილის ფარგლებში გარემოზე ეკოლოგიური ზემოქმედების, მუშაობით გამოწვეული ხმაურის, ვიბრაციის და მტვრის გავლენის მინიმუმადე დაყვანა.

11.3 მიმწოდებელი საქართველოში ტექნიკური უსაფრთხოების და გარემოს დაცვასთან დაკავშირებით მოქმედი კანონების და ნორმების შესაბამისად ვალდებულია მიიღოს უსაფრთხოების აუცილებელი ზომები მშენებლობის ზონაში ხანძრის გაჩენის და აფეთქების თავიდან ასაცილებლად.

11.4 მიმწოდებელი ვალდებულია სამუშაოები შეასრულოს საქართველოში მოქმედი კანონმდებლობით დადგენილი უსაფრთხოების ნორმების დაცვით. აღნიშნულ ნორმათა დარღვევის შემთხვევაში, მიმწოდებელს ყოველ კონკრეტულ დარღვევაზე დაეკისრება შესაბამისი კანონმდებლობით გათვალისწინებული ჯარიმა.

11.5 ჯარიმის გადახდა მიმწოდებელს არ ათავისუფლებს დარღვევის აღმოფხვრისაგან.

12. ხელშეკრულებაში ცვლილებების შეტანა

12.1 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია შეატყობინოს მეორე მხარეს შესაბამისი ინფორმაცია.

12.2 ხელშეკრულების პირობების ნებისმიერი ცვლილება (მათ შორის მხარეთა შეთანხმებით ხელშეკრულების შეწყვეტა) უნდა გაფორმდეს წერილობით - მხარეთა შეთანხმების სახით და დანართის სახით უნდა დაერთოს ხელშეკრულებას. მხარეთა წერილობითი შეთანხმება ცვლილების თაობაზე, ჩაითვლება ხელშეკრულების განუყოფელ ნაწილად.

13. ღირებულების შეცვლის პირობები

13.1 მხარეთა შეთანხმებით დასაშვებია ხელშეკრულების საერთო ღირებულების შეცვლა.

13.2 ხელშეკრულების ღირებულების პარამეტრების (ერთეულის ფასის) შეცვლა დაუშვებელია, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

13.3 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობის გაზრდა.

13.4 ხელშეკრულების ღირებულების შეცვლა ფორმდება მხარეთა წერილობითი შეთანხმების სახით.

14. ურთიერთობა ხელშეკრულების დამდებ მხარეებს შორის

14.1 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება ტელეფონის, ელექტრონული ფოსტის ან ფაქსის გაგზავნის გზით იმ პირობით, რომ შეტყობინების ორიგინალი შემდგომში წარედგინება მეორე მხარეს უშუალოდ ან ხელშეკრულებაში მითითებულ მისამართზე საფოსტო გზავნილის გაგზავნის მეშვეობით.

14.2 შეტყობინება შედის ძალაში ადრესატის მიერ მისი მიღების დღეს.

15. სადაო საკითხების გადაწყვეტა

15.1 ხელშეკრულების დამდები მხარეები თანხმდებიან მასზედ, რომ ხელშეკრულების ან მასთან დაკავშირებული საკითხების ირგვლივ მათ შორის წარმოქმნილი ნებისმიერი დავა შესაძლებელია გადაწყდეს მხარეთა შეთანხმებით.

15.2 თუ ასეთი მოლაპარაკების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შესძლებენ სადაო საკითხების თაობაზე შეთანხმებას, ნებისმიერ მხრეს დავის გადაწყვეტის მიზნით შეუძლია დადგენილი წესით მიმართოს საქართველოს სასამართლოს.

15.3 ინტელექტუალურ საკუთრებასთან დაკავშირებული უფლებებით გათვალისწინებული ვალდებულებების დაცვა და ამ უფლებების გამოყენების პროცესში წარმოშობილი დავების მოგვარება ეკისრება მიმწოდებელს.

15.4 ზიანის ანაზღაურებასთან დაკავშირებით, გამოიყენება საქართველოს სამოქალაქო კოდექსის შესაბამისი მუხლები.

15.5 ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

16. სხვა პირობები

16.1. ამ ხელშეკრულებით გაუთვალისწინებელი პირობები რეგულირდება საქართველოს კანონმდებლობით.

16.2. ხელშეკრულება შედგენილია ქართულ ენაზე და ხელმოწერილია ელექტრონულად. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

16.3. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც იგი წერილობითი ფორმითაა შედგენილი და ხელმოწერილი მხარეთა მიერ.

17. მხარეთა იურიდიული რეკვიზიტები

შემსყიდველი:

ქ. თბილისის მუნიციპალიტეტის

მთაწმინდის რაიონის გამგეობა

ს/კოდი: 204521954

მის: ძმ. ზუბალაშვილების ქ. №20.

ხაზინის ერთიანი ანგარიში

სახელმწიფო ხაზინა

ბანკის კოდი TRESGE22

დავით კირკიტაძე

დავით კირკიტაძე

მიმწოდებელი:

შპს „ახალი საფარი“ ს/კ 402050258,

მისამართი: ქ. თბილისი,

მ.წინამძღვრიშვილის ქ., N 33, ბ. 9

სს „თიბისი ბანკი“

ა/ა N GE 06 TB 7704 6360 5010 0001

ბანკის კოდი TBCBGE22

ზურაბ აბაშიძე

ქ. თბილისში, მთაწმინდის რაიონის ტერიტორიაზე დაზიანებული
ასფალტის საფარის შეკეთების სამუშაოების ხარჯთაღრიცხვა

№	სამუშაოს დასახელება	განზ. ერთ.	რაოდენობა	ერთ. ფასი (ლარი)	მოთვლიანი ღირებულება (ლარი)
1	2	3	4	5	6
1	დაზიანებული ა/ბეტონის საფარის ფრეზირება (საშ. სისქით 5-10 სმ-მდე) და ადგილზე დასაწყობება შემდგომი გამოყენებისათვის	მ²	500.00	2.80	1400.00
2	დაზიანებული ა/ბეტონის საფარის ფრეზირება (საშ. სისქით 5-10 სმ-მდე) და გატანა შემსყიდველის მიერ მითითებულ ადგილზე.	მ²	500.00	3.00	1500.00
3	დაზიანებული ა/ბეტონის საფარის მოხსნა პნევმატური ჩაქურჩებით და დატვირთვა ავტოთვითმცლელზე	მ³	52.90	8.50	449.65
4	დაზიანებული ა/ბეტონის საფარის მოხსნა მექანიზმებით და დატვირთვა ავტოთვითმცლელზე	მ³	476.10	4.00	1904.40
5	ორმოების ნაწიბურების დამუშავება ხერხით	გ.მ	300.00	0.50	150.00
6	III კატ. გრუნტის (ან ნაშალი მასალის) დამუშავება მექანიზმებით და დატვირთვა ავტოთვითმცლელზე	მ³	952.20	2.50	2380.50
7	III კატ. გრუნტის დამუშავება ხელით და დატვირთვა ავტოთვითმცლელზე	მ³	83.80	9.00	754.20
8	დაზიანებული ბორდიურების დემონტაჟი და დატვირთვა ავტოთვითმცლელზე	მ³	25.96	7.00	181.72
9	ბეტონის ან კლდოვანი გრუნტის დამუშავება მექანიზმებით და დატვირთვა ავტოთვითმცლელზე	მ³	30.00	7.00	210.00
10	ბეტონის ან კლდოვანი გრუნტის დამუშავება პნევმატური ჩაქურჩებით და დატვირთვა ავტოთვითმცლელზე	მ³	30.00	8.50	255.00
11	III კატ. გრუნტის ან სამშენებლო ნარჩენების გატანა	მ³	1 981.15	8.00	15849.20
12	არსებული ბორდიურების (ბეტონი, ბაზალტი) მონტაჟი ბეტონის (არანაკლებ B-10) საფუძველზე.	გ.მ	100.00	12.50	1250.00
13	ბაზალტის ახალი ბორდიურის (15X30) მოწყობა ბეტონის (არანაკლებ B-10) საფუძველზე.	გ.მ	100.00	40.00	4000.00
14	ბეტონის (არანაკლებ B-22,5) ახალი ბორდიურის (15X30) მოწყობა ბეტონის (არანაკლებ B-10) საფუძველზე.	გ.მ	421.00	24.00	10104.00
15	ბაზალტის ახალი ბორდიურის (10X20) მოწყობა ბეტონის საფუძველზე (არანაკლებ B-10)	გ.მ	100.00	25.00	2500.00
16	ბეტონის (არანაკლებ B-22,5) ახალი ბორდიურის (10X20) მოწყობა ბეტონის საფუძველზე (არანაკლებ B-10) .	გ.მ	100.00	15.00	1500.00
17	საფუძვლის ქვედა ფენის მოწყობა ქვიშა-ხრეშოვანი ნარევით (0-120მმ), დატკეპნით	მ³	317.20	23.50	7454.20
18	საფუძვლის ქვედა ფენის მოწყობა ქვიშა-ხრეშოვანი ნარევით (0-70მმ), დატკეპნით	მ³	237.90	25.00	5947.50
19	საფუძვლის ზედა ფენის მოწყობა ფრ. ღორღით (0 - 40) მმ, დატკეპნით	მ³	645.38	32.00	20652.16
20	საფუძვლის ზედა ფენის მოწყობა ფრ. ღორღისა (70%) და ადგილზე ფრეზირებული გრანულატის (30%) ნარევით	მ³	200.00	15.00	3000.00
21	ნაწიბურების დამუშავება თხევადი ბიტუმით (0,35-0,4 ლ/მ)	ლ	150.00	1.20	180.00
22	თხევადი ბიტუმის ემულსიის მოსხმა საფუძვლის ზედა ფენაზე (0,7ლ/მ²)	ლ	3 703.00	1.20	4443.60
23	საფარის ქვედა ფენის დამუშავება 60% -იანი ბიტუმის ემულსიის მთელ ფართზე მოსხმით (0,35ლ/მ²)	ლ	65.00	1.20	78.00
24	შემასწორებელი ფენის მოწყობა წვრილმარცვლოვანი ა/ბეტონით	ტ	65.00	135.00	8775.00

1	2	3	4	5	6
25	საფარის ქვედა ფენის მოწყობა მსხვილმარცვლოვანი ა/ბეტონით საშ. სისქით 6 სმ.	მ²	1 300.00	20.42	26546.00
26	საფარის ზედა ფენის მოწყობა წვრილმარცვლოვანი ა/ბეტონით საშ. სისქით 3 სმ.	მ²	140.00	11.40	1596.00
27	საფარის ზედა ფენის მოწყობა წვრილმარცვლოვანი ა/ბეტონით საშ. სისქით 4 სმ.	მ²	1 300.00	15.50	20150.00
28	საფარის ზედა ფენის მოწყობა წვრილმარცვლოვანი ა/ბეტონით საშ. სისქით 5 სმ.	მ²	3 990.00	19.20	76608.00
29	ტროტუარის საფარის მოწყობა ქვიშოვანი ა/ბეტონი სისქე 3 სმ	მ²	200.00	12.50	2500.00
30	არსებული საკომუნიკაციო ჭეხის მოყვანა გზის ნიშნულზე ბეტონის (ბეტონის შრობის დამაჩქარებელი ქიმიური დანამატის გამოყენებით) საფუძველზე	ც	33	50.00	1650.00
31	ჭეხის მოწყობა მონოლითური B-20 მარკის ბეტონით	მ³	5.00	145.00	725.00
32	ქვიშის ჩაყრა თხრილში ხელით და დატკეპნა	მ³	5.00	28.00	140.00
33	ქვიშა ხრეშოვანი ნარევის ჩაყრა თხრილში და დატკეპნა	მ³	5.00	20.00	100.00
34	თუჯის ოთხკუთხა ცხაურების ჩარჩოებით მოწყობა	ც	5	300.00	1500.00
35	თუჯის გვერდმდმლების მოწყობა	ც	5	300.00	1500.00
36	N-14 ორტოსებრი კოჭის მოწყობა	გ/მ	5.00	25.00	125.00
37	კუთხოვანა	ტ	0.10	1966.20	196.62
38	ზოლოვანა	ტ	0.10	1966.20	196.62
39	DN=50 მმ კანალიზაციის გარე ქსელების პლასტმასის მილი დემონტაჟი-მონტაჟით (ყველა საჭირო ფასონური ნაწილის გამოყენებით)	გ/მ	10.00	3.50	35.00
40	DN=100 მმ კანალიზაციის გარე ქსელების პლასტმასის მილი დემონტაჟი-მონტაჟით (ყველა საჭირო ფასონური ნაწილის გამოყენებით)	გ/მ	15.00	5.50	82.50
41	DN=200 მმ SN8 კანალიზაციის გარე ქსელების გოფირებული მილი დემონტაჟი-მონტაჟით (ყველა საჭირო ფასონური ნაწილის გამოყენებით)	გ/მ	30.00	23.00	690.00
42	პოლიეთილენის მილის მონტაჟი PN-10 PE100	გ/მ	10.00	0.80	8.00
43	პოლიეთილენის მილი PN-10 PE100 დ=20	გ/მ	10.00	1.55	15.50
44	პოლიეთილენის მილი PN-10 PE100 დ=25	გ/მ	10.00	2.00	20.00
45	პოლიეთილენის მილი PN-10 PE100 დ=32	გ/მ	10.00	3.20	32.00
46	პოლიეთილენის მილი PN-10 PE100 დ=40	გ/მ	10.00	4.50	45.00
47	პოლიეთილენის მილის ფასონური ნაწილების მონტაჟი დ-20-40მმ	გ/მ	10.00	2.50	25.00
48	ვინტილი დ=20	ც	2	7.00	14.00
49	ვინტილი დ=25	ც	2	8.00	16.00
50	ვინტილი დ=32	ც	2	10.00	20.00
51	ვინტილი დ=40	ც	2	15.50	31.00
52	ვენტილის ყუთი	ც	2	52.00	104.00
53	საპროექტო წყალსადენის მილის დაერთება არსებულ შიდა ქსელთან (იგულისხმება პლასტმასის მილიდან ლითონის მილზე გადასვლა)	წერტ.	5	15.00	75.00
54	საპროექტო წყალსადენის მილის დაერთება არსებულ მაგისტრალურ ქსელთან	წერტ.	2	55.00	110.00
55	ლითონის გისოსის (ცხაურის) დამზადება	მ	10.0	100.00	1000.00
56	ბეტონის ნაკეთობების (მ.შ. ს/კედელი, კიბე, პარაპეტი, არხი) მოწყობა/აღდგენა B-22,5 ბეტონით	მ³	2.00	212.00	424.00
57	არმატურის მოწყობა, A-I, A-III	ტ	0.30	1800.00	540.00
58	რკ/ბეტონის დ-1000 მმ (არმირებული) რგოლების მოწყობა სათვალთვალო ჭისთვის. რგოლებს შორის ქვიშა-ცემენტის ნარევის მოწყობა სისქით 1 სმ (ბეტონის შრობის დამაჩქარებელი ქიმიური დანამატის გამოყენებით)	რგოლი	2	140.00	280.00

1	2	3	4	5	6
59	რკ/ბეტონის დ-1500 მმ (არმირებული) რგოლების მოწყობა სათვალთვალო ჭისთვის. რგოლებს შორის ქვიშა-ცემენტის ნარევის მოწყობა სისქით 1 სმ (ბეტონის შრობის დამაჩქრებელი ქიმიური დანამატის გამოყენებით)	რგოლი	2	180.00	360.00
60	ჭის ჩარჩო-ხუფი თუჯის მაღალი ხარისხის შეძენა მონტაჟი (რკინა-ბეტონის ფილით)	ც	5	500.00	2500.00
61	ჭის დაზიანებული ხუფის მონტაჟი (შეცვლა ახლით)	ც	5	50.00	250.00
62	ჭის ფუნდამენტის მოწყობა B-15 კლასის მონოლითური ბეტონით (ბეტონის შრობის დამაჩქრებელი ქიმიური დანამატის გამოყენებით)	მ³	3.00	125.00	375.00
63	ხის ძირების ამოძირკვა	ც	2	2.00	4.00
64	ბეტონის კიუვეტების მოწყობა	მ³	5.10	145.00	739.50
65	გვერდულების მოწყობა ქვიშა-ხრეშოვანი ნარევით 0-70 მმ და დატკეპნა	მ³	10.00	25.00	250.00
66	ბეტონის მოსამზადებელი შრის მოწყობა	მ³	5.00	120.00	600.00
67	თვალამრიდების და სხვა ანალოგიური საგზაო ელემენტების გასწორება	გ.მ	2.00	2.00	4.00
68	ფიცარი ყალიბის 40-60მმ	მ³	2.20	150.00	330.00
69	გეოტექსტილის მოწყობა	მ²	10.00	1.00	10.00
	ჯამი				237441.87
	ზედნადები ხარჯი	5%			11872.09
	ჯამი				249313.96
	გეგმური მოგება	5%			12465.70
	ჯამი				261779.66
	დღგ	18%			47120.34
	ჯამი				308900.00

შემსყიდველი:



დავით კირკიტაძე

მიმწოდებელი:

ზურაბ აბაშიძე



144/124-01

საბანკო გარანტია #6147046-10954993

ქალაქი თბილისი

2020 წლის 02 ივნისი

სს „თიბისი ბანკი“ ჭავჭავაძის გამზირის ს/გ #1-ის ბიზნეს გაყიდვების კოორდინატორი დავით გაბედავა, მოქმედებს რა წესდებისა და საქართველოს კანონმდებლობის საფუძველზე, გასცემს წინამდებარე გარანტიას ქვემოთ წარმოდგენილი მირითადი პირობებით:

გარანტი:

სს „თიბისი ბანკი“

პრინციპალი:

შპს „ახალი საფარი“

ბენეფიციარი:

საიდენტიფიკაციო ნომერი: 402050258

გარანტიის თანხა:

ქ. თბილისის მთაწმინდის რაიონის გამგეობა (ს/კ -204521954)

გარანტიის გაცემის საფუძველი:

15 445.00 (თხუთმეტი ათას ოთხას ორმოცდახუთი) ლარი

„ბენეფიციარს“ და „პრინციპალს“ შორის ფორმდება ხელშეკრულება, რომელიც ითვალისწინებს თბილისში, მთაწმინდის რაიონის ტერიტორიაზე დაზიანებული ასფალტის საფარის შეკეთებას, სამუშაოების შესრულებას (ტენდერის ნომერი: NAT200006998) (შემდგომში „ხელშეკრულება“). პრინციპალის მიერ ბენეფიციარის წინაშე ხელშეკრულებით ნაკისრი ვალდებულებების შესრულების უზრუნველსაყოფად საჭიროა საბანკო გარანტიის გაცემა.

გარანტია ძალში შევა მისი გაცემისთანავე

გარანტიის ძალაში შესვლის

წინაპირობა:

გარანტიის თანხის მოთხოვნის

უფლება:

„გარანტი“ კისრულობს უპირობო (რაც გულისხმობს, რომ საგარანტიო თანხის ანაზღაურების შესახებ ბენეფიციარის წერილობით მოთხოვნაში მითითებული უნდა იყოს თუ რაში გამოიხატა პრინციპალის მიერ ვალდებულების დარღვევა, მოთხოვნისა და/ან მოთხოვნილი თანხის ყოველგვარი დასაბუთების და ყველაწარმოადგენი დოკუმენტაციის წარდგენის ვალდებულების გარეშე) და გამოუთხოვად ვალდებულებას, ამ საბანკო გარანტიის წერილის პირობების გათვალისწინებით, პირველივე წერილობით მოთხოვნის მიღებიდან 5 (ხუთი)

სამუშაო დღის¹ ვადაში „ბენეფიციარს“ გადაუხადოს მოთხოვნაში მითითებული თანხა, მაგრამ არაუმეტეს გარანტიის თანხისა

1. სამუშაო დღე - კალენდარული დღე, გარდა შაბათისა, კვირისა და საქართველოს კანონმდებლობით განსაზღვრული უქმე დღეებისა.

ბენეფიციარმა წერილობით მოთხოვნაში (რომელიც ხელმოწერილი უნდა იყოს უფლებამოსილი პირის მიერ) აუცილებელი წესით უნდა მიუთითოს იმ გარემოების შესახებ თუ რაში გამოიხატა პრინციპალის მიერ ვალდებულების დარღვევა.

წერილობითი მოთხოვნა თანდართულ დოკუმენტებთან ერთად (წინამდებარე გარანტიით გათვალისწინებული რაიმე სახის დოკუმენტის წარმოდგენის აუცილებლობის განსაზღვრის შემთხვევაში) წარდგენილ უნდა იქნეს სს „თიბისი ბანკის“ კანცელარიაში შემდეგ მისამართზე მარჯანიშვილის ქუჩა #7, 0102 თბილისი, საქართველო, სამუშაო საათებში.

გარანტიის მოქმედების ვადა:

2021 წლის 04 მარტის ჩათვლით

მოთხოვნა გარანტიაზე გადახდის შესახებ „ბენეფიციარის“ მიერ წარმოდგენილ უნდა იქნას ამ თარიღის ჩათვლით.

თუ წინამდებარე საბანკო გარანტიის მოქმედების ვადაში არ იქნა წარმოდგენილი „ბენეფიციარის“ წერილობითი მოთხოვნა „პრინციპალის“ შეუსრულებელ ვალდებულებაზე მითითებით, თანდართული „ხელშეკრულების“ ასლითა და წინამდებარე გარანტიით გათვალისწინებული სხვა დოკუმენტით (წინამდებარე გარანტიით ასეთის წარმოდგენის აუცილებლობის განსაზღვრის შემთხვევაში), მაშინ გარანტიის მოქმედება წყდება (ბენეფიციარის მოთხოვნის წარმოდგენლობის შემთხვევაში საბანკო გარანტია ავტომატურად უქმდება მისი მოქმედების ვადის გასვლით).

საბანკო გარანტია ზემოაღნიშნულის გარდა ასევე უქმდება შემდეგ შემთხვევებში:

- ბენეფიციარისთვის იმ თანხის გადახდით, რომელზედაც გაიცა გარანტია;
- ბენეფიციარის მიერ გარანტიიდან გამომდინარე საკუთარ უფლებებზე წერილობითი უარის თქმით და საბანკო გარანტიის დედნის გარანტისთვის დაბრუნებით;
- პრინციპალის მიერ საგარანტიო ვალდებულებების სრულად შესრულებით, რომელიც წერილობით დადასტურებული უნდა იქნას ბენეფიციარის მიერ.

წინამდებარე გარანტიაზე საქართველოს სამოქალაქო კოდექსთან ერთად მოქმედებს საერთაშორისო სავაჭრო-სამრეწველო პალატის მიერ დადგენილი უნიფიცირებული წესები მოთხოვნაზე გარანტიებზე (პუბლიკაცია #758).

საბანკო გარანტიის თაობაზე წამოჭრილი ყველა დავის გადაწყვეტა მოხდება ურთიერთმოლაპარაკების გზით. შეთანხმების მიუღწევლობის შემთხვევაში დავა განიხილება საქართველოს კანონმდებლობის შესაბამისად.

სს „თიბისი ბანკის“ ჭავჭავაძის გამზირის ს/გ #1-ის ბიზნეს გაყიდვების კოორდინატორი დავით გაბედავა

